

27.

Y

# DEO OPTIMO MAXIMO UNI ET TRINO, VIRGINI DEI-PARÆ, ET S. LUCÆ,

Orthodoxorum Medicorum Patrono.


## QUÆSTIO MEDICA, \*

*QUOD LIBETARIIS DISPUTATIONIBUS,  
manè disceptanda in Scholis Medicorum, die Jovis trigesimâ mensis  
Decembris, anno Domini M. DCC. LXXIII.*

M. NATALI-MARIA DE GEVIGLAND, Regiorum in Germaniâ Du-  
cum & Militum Nosocomiorum nuper Medico,  
Doctore Medico, Præside.

*An in Febribus Malignis, post venæ sectionem, citò citius Emeticum ?*

I.

UIDQUID humano corpori contrâ Naturam accidit, morbus appella-  
tur. Hinc inter morbos, qui animalem œconomiam invadunt, febris recen-  
senda, cum nihil aliud sit quàm sanguinis motûs præternaturalis accelera-  
tio. Febris autem alia est lenta, alia acuta. In febre lentâ, sola adest motûs  
sanguinis acceleratio, plerumque tamen intermissio. In febre verò acutâ observantur  
& magnitudo pulsationum, & tensio. Ager plenitudinem, siccitatem, erethismum  
ac capitis dolorem persequitur. Respiratio citatior est, defœvit dolor circa renes ac in  
omnibus fermè ossium juncturis, molestatur ventriculus, os amarescit, saliva spissa  
est ac glutinosa, parciore effunduntur urinæ, imminuitur perspiratio, cæteræque  
functiões collabescunt, alvinæ fæces obdurantur, desiccantur, retinentur, &c.

Quamquam febris maligna de acutarum genere sit, nihilominus tamen pluribus  
admodum discrepantibus symptomatibus stipatur, nec à communibus causis producitur,  
febri simplici similis; pulsus enim similis naturali, & urinæ dilutè flavæ, nihil mali  
ægro portendere videntur. At gravissima insurgunt symptomata, ut delirium, phre-  
nesis; quasi fracta concidunt membra, gravatur caput, ut pondere quodam op-  
pressum. Non minùs debilis est ager, quàm si è gravissimo morbo convalesceret,  
delirat interdum, interdum ratione gaudet suâ. In hocce eodemque statu permanet  
duobus aut tribus dein diebus; mox pulsus rigescit, exsiccatur cutis, nigrescit lin-  
gua, licet potiones adhibeantur refrigerantes, caput magis ac magis corripitur; suc-  
cedit delirium, phrenitis. Exacerbatur febris, symptomata adaugentur. Ager quan-  
doque videtur moribundus; paulò post tranquillius est, uno verbo ipem inter metum  
que fluctuat semper, prodeunt quoque tendinum subultus, coma vigil, somnolen-  
tum, frequentissimæ syncopes, vomitus sine causâ manifestâ, convulsiones in faciei  
musculis præsertim; tandem erumpunt pustulæ rubræ, nigrae, abscessus, bubones &  
alia quàm plurima, &c.

II.

**A**B omni ævo ascripta est causa febrium malignarum certis miasmatis in san-  
guine introrosis, motum febremque excitantibus. Posteriori sæculo nova  
perrexit opinio, à D. Chirac proposita. Vir ille, cum ex profecto morbu ni pelsilen-

Auctore M. Joanne S. JOIRE D. M. P.



tialem curasset, cadaverum sectionibus compertum habuit cerebrum inflammari; indè sanandi methodum deduxit Saphenæ sectione esse tentandam. Eam felices successus confirmarunt.

Notandum tamen venit, plurimas esse malignas febres absque inflammatione cerebri. Nedom praxis D. *Chirac* in hisce febribus usurpanda sit, quin imò prorsus respuenda. Plerumque enim in his nullus persentitur capitis dolor, vultus nedum rubeat, concidisse videtur: plerumque etiam ut malignæ solo exacerbationis tempore apparent.

Febrium malignarum causas à miasmatis primarum viarum, sanguinem inficientibus deducendas demonstrat, earum per evacuationia sanatio. Plurimæ enim malignæ censentur febres, quæ ab hac unicâ causâ pendent. Ipsa tamen sanguinis putrefactio, quæ stasi ac concrementi debet originem inter causas sanè annumeranda. Plerumque secretiones imminutæ, gangrena quarundam partium, ipsiusmet aëris contagium antam præbent febrî malignæ. His causis addi etiam possunt mœror, & tristitia; nihil enim vulgatiùs est quàm ejusmodi febres malignæ in iis qui nuperimè è regione suâ excesserunt; in annonæ caritate, cum quocumque alimentorum genere velci cogimur.

At verò cuiusnam Naturæ miasmata sanguinem contaminantia; acidane; an alkali; Germani exsistantes acida, in febribus malignis terras absorbentes, corralia, &c. alii verò alkali; præscribunt acida. Alkali-volatilem naturam horum miasmatum orania demonstrant; si vè diutiùs in vasis stet sanguis, si vè velociùs solito promoveatur. Animalia corpora sibi permixta, calori exposita concipiunt fermentationis motum. Integrandes fluidorum partes in sua resolvuntur principia, nova constanter entia, exurgit alkali-volatile cum exigua olei parte immixtum injucundissimè nares afficiente. Quid tale in corpore humano generari demonstrat peculiaris perspirationis odor in cacochymicis, præsertimque in iis qui vitam agunt desidem, peculiare illud effluviùm melancholicarum affectionum hystericarumque gignit insultus quos semper comitatur dolor. Quin & sanatio per acida blanda contrà retragantiores alkali invictè probare possit. Si vè contractiori alveo agatur sanguis, si vè rarefactio & calore expansus sit, si diutiùs in eo statu permaneat, totam ipsius molem dissolvi necesse est, brevi enim tempore, quidquid serosi inest, calore absimitur, conerescit in viscositatem inflammatoriam, resolvitur in sales volatiles & olea acia machinam humanam brevi crosura.

In febribus malignis, post venæ sectionem, emeticum propinare quid obstat? An subiecti debilitas? Vires opprimuntur quantitate saburræ. An quod adsit saburra dubium? est nausea, vomitus ipse præmonstrat. An violenta contractio musculorum abdominis & dolores in ventriculo & intestinis enati? at momentanei sunt. An inflammationis periculum? cavet & obest præmissa venæ sectio. Misso sanguine, fuscitate ab emeti contractiones nullam ergo inflammationem inducunt. Quin imò sanguis in alveo manat celerior, calor à rarefactione aut à quantitate pendens extinguitur, peraguntur secretiones faciliùs, redintegrareturque omnium partium actio, si stabulans in ventriculo & intestinis evacuairetur saburra; quod optimè succedit, citò citiùs exhibitò emetico.

## I I I.

**I**n agri perniciem sæpè judicantur febres malignæ. Febrium initiis nulla speranda crisis; insidiosa levatio sine signis levationis. Fabricula cum comate & capitis dolore mortifera. Ut plurimum adeò sævam induit faciem, ut celeritate & nocendi periculo omnes & singulas ægritudines exsuperet. Quod si ab initio hi morbi non debellantur, in mortem abeunt citissimam, ut plurimum in inflammationem cerebri, pulmonis, abdominis, quin imò in earumdem partium suppurationem & gangrenam. Quoties autem in sanationem abeunt, illud fit per metastases; bubonics nempe, parotides, aurium abscessus, sudores, alvi excretiones, &c. Medici officium est non modò præcates morbos sanare, sed & futuros præcavere. Primariis malignorum morborum symptomatibus, faviora succedunt, quæ Medico incumbunt eradicanda. Febris maligna

primum continua exacerbatur tantum digestionum vitio ac magis corrupte in ventriculo saburrae praesentia. Secretiones ferè omnes tunc supprimuntur, urina parca aut nulla mingitur, cutis arefcit, nigrescit lingua, tremula exferitur, convulsionibus exercentur maxilla inferior & faciei muscoli, tumet abdomen totum, corpus occupant exanthemata. Haec ingravescent omnia neglectis ab initio evacuantibus. At quænam ufurpanda sunt evacuantia? Nonne calor febrilis omnis evacuantis inimicus? Nonne indicationum natura idem prohibet? Minime in his difficultatibus immorandum. Urgentiori casui occurrendum, ac obstandum esse causæ primùm, symptomati deinde præcipit Hippocrates: quod quidem non tutius quàm emesi perfici potest. Fugit irreparabilis propinandi occasio. Omnibus pollet ad attingendum scopum facultatibus: 1°. Citò citius suum fortitur effectum, copiosius ventriculum evacuat quàm quodlibet evacuans: 2°. irritationem tantum inducit omni purgante leviolem. Materiei in ventriculo nidulantis egestionem antecedunt lysis, lipothimia syncope, delabuntur à cerebro ad ventriculum spiritus animales, partium internarum & ventriculo inferiorum atonia liberum præbet facibus alvinis descensum, copiosa salivæ excernitur quantitas. Mox sequitur convulsiva maxillæ inferioris depressio, dein facta inspiratio-ne contracti que musculis abdominalibus & ventriculo, inerte diaphragmate, expellitur sursum & ut plurimum deorsum hujusce materiæ abundans copia. Haec autem si diutius in intestinis retineatur, magis ac magis putrescit à venis mēstaraicis exsugitur & ad subclaviam venam per ductum thoracicum & ad cor transvehitur. Hinc pulmones emensa totam sanguinis molem inficit, & partes solidas incendio & vi suâ deleteriâ consumit. Nullæ felices longiori tempore solvuntur quàm febres malignæ. Etenim ad 30, 35, 45, dies producantur, nullæ pepasmo resistunt contumacius. Quid ut citò solvantur emetico potius?

## I V.

**N**ULLA majoris est momenti methodus eâ, quâ non modò præsentia mitescent symptomata, sed & præcaventur futura, & quâ bona pars hominum febre malignâ correptorum ab Orci faucibus eripitur. Cui ut obtemperemus, natura, causæ & febris præcipiunt. Præmissa venæ sectione, non unâ tantum vice exhibeatur emetica potio, ast iteretur pro casus exigentiâ. Magistra edocuit Medicos experientia omnes alvi fluxu tentatos in febribus malignis, licet cum signis cruditatis, fuisse sanatos (a) Alvi laxa semper servetur; nullus morbus adeò evacuantium usum requirit. Hæc Naturæ via si deficit, arte juvanda, morbum sequi, pepasum, crism expectare nefas (b). Licet ea movere quæ in perturbatione critica non judicantur feliciter Veteres tartaro sibiato destituti, helleboro autem & azaro ad ciendum vomitum instructi; thithymale, cucumere silvestri; aloë, myrrhâ evacuos effectum humores solo coctionis tempore meritò affirmabant. Nulla enim medicamenta sunt quæ ardorem, inflammationem citius cieant. Ac nedum resciant vires, contra exhauriant; insidiosamque levationem sine signis levationis afferunt. Plenâ dosi tutissimè vomitum excitat tartarum sibiatum, retractâ autem blandè alvum subducit, eo solo per totum malignarum decursum uti possumus. Suam actionem in ventriculum & intestina exerit, nullum sanguini prænaturallem motum suâ ab intestinis translatione impertitur. Nec eo tantum nomine commendandum quod in febribus malignis sit necessarium, verum etiam quod in omnibus ferè febribus prosit maximè, vel in ipsâmet febre lentâ. Quid in anginâ tutius præmissa venæ sectione? Quid in variolis felicibus succedit? Non minus curiosa quàm notabilis est hanc in rem observatio Riberii de quodam qui ex symptomatibus, dolore capitis & nausæ se peste laborare coniecit; illicò pernam oleo illitam in fauces immisit, quâ educâ per vomitum materiâ primùm ferossâ, dein slavâ, tandem porraceâ, in lectum se contulit; jusculum sumpsit & illicò convaleuit.

## V.

**V**ETERUM Medicorum, in curandis febribus malignis, praxim nedum imitemur; contrâ, suprâ expositæ recentiorum methodo incumbendum esse unicè.

(a) Hippoc. lib. Epist. Galenus de arrâ bile, cap. IV. Fabius Columna de pestilenti febre. Valleria observ. 1. 6. de febribus Sklenius observ. 1. 6. de febri. Riverius observ. Centuria 1. observ. 47. & 17. item centur. 2. observ. 34. & 37.

(b) Senertus de febrib. Manardus lib. 13. Epist. ad B. rehol. Carandinum de epepsando pepasmo Hippocratis doctrinam refutavit.

cenfemus. Aiunt enim veteres : in febre malignâ proſtrata vires, pulſus exilis & inflammacionis abſentia tum à venæ ſeſſione, tum ab emeti diſſuadere videntur, ſoliſque potionibus cardiacis utendum, ut à corpore perſpirationis beneficio heterogenea eliminentur miasmata. At quamvis plurimæ febres malignæ inflammacione deſtituantur, non idcirco rejicienda methodus noſtra. Ideò enim obruuntur vires, quòd in primis viis hæreat infarctus & ſaburra, quæ niſi per vomitum evacuetur, brevi corpus univerſum peſſumdaret. Cauſâ verò avulſâ, evaneſcent ſymptomata, quâ autem remanente certò certius ingreſſerent. Cardiacæ ne adhibueris, cùm felix docuerit experientia hæc febres rariffimè, ſi unquàm, ſolvi ſudoribus, ſolis verò ſanari poſſe purgantibus. Concocta purgare oportet non cruda, inſtabunt adverſarii. Iltius aphoriſmi falſitatem rationibus in theſi allatis probavimus; dum enim materia turget, evacuada; ſemper autem turget in febre malignâ. In febris malignis cum inflammacione cerebri, ſaltem ab emetico cavendum & abſtinendum. In vomitu nempe convellitur abdomen, facies valdè rubet, inflammantur oculi, vomitus ſanguinis ſeu hæmophyſis excitatur. Ne dum horum ſymptomatum terrore perculſi, ab opinione noſtrâ deterreamur, quin imò eidem fortius adhæremus, cùm aliundè certâ experientiâ compertum ſit, methodum assignatam non modo ſanandis febris malignis, ſed etiam ipſimet peripneumoniæ competere.

*Ergo in febris malignis, poſt venæ ſeſſionem, cito citius Emeticum.*

#### DOMINI DOCTORES DISPUTATURI.

<i>M. Antonius-Joannes-Baptiſta-Maclorius GUENET, Chirurgiæ Latino Idiomate Profeſſor.</i>	<i>M. Edmundus - Claudius BOURRU, Bibliothecæ Facultatis Præſectus.</i>	<i>M. Ludovicus PATHIOT.</i>
<i>M. Paulus - Gabriel LE PREUX.</i>	<i>M. Joannes-Antonius Elie DE LA POTERIE, Antiquus Regis in portu Breſtenſi Medicus.</i>	<i>M. Franciſcus BIDAULT; Scholarum Profeſſor.</i>
<i>M. Ludovicus - Claudius GUILBERT, è ſocietate Medicâ, Edenburgenſi, Antiquus Regis, Exercituum Medicus ordinarius.</i>	<i>M. Joſephus Jacobus GARDANE, Cenſor Regius &amp; Regiæ Scientiarum Societatis Monſpelienſis, nec non Regiarum Academicarum Nancei &amp; Maſſilia Socius.</i>	<i>M. Joannes-Claudius MUNIER, Conſiliarius Medicus Regis ordinarius, &amp; Domus Regiæ Invalidorum.</i>

Proponebat Pariſiis JOANNES-CAROLUS DE BROTONNE, Lugdunenſis, Doctor Medicus Remenſis, necnon Saluberrimæ Facultatis Medicinæ Pariſienſis Baccalaureus, A. R. S. H 1773. A SEXTA AD MERIDIEM.